



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat De Sacramentis, & Censuris

**Viva, Domenico**

**Patavii, 1723**

Art. III. De Approbatione in Confessario requisita.

**urn:nbn:de:hbz:466:1-40650**

Ubi adverte primo, moribundum absolvvi posse solum ab iis censuris, quæ impediunt susceptionem Sacramentorum, puta ab excommunicatione, &c., non vero a suspensione ab Ordine, vel ab Officio, aut Beneficio, ut patet ex ratione a Trident. tradita, videlicet ne hac occasione aliquis pereat. Immo Mendo putat, excommunicatum posse absolvvi ab excommunicatione solum in ordine ad effectum suscipiendo Sacra menta, non vero in ordine ad effectum sepulturæ, in ordine ad quem potest adhuc post mortem a judice legitimo absolvvi.

Adverte secundo, in jure præcipi, ut ab eo, qui in casu necessitatis absolvitur, exigantur quædam juramenta: Sic ab incendiario, a percusso re Clericorum, ab excommunicato ex communicatione Bullæ cœnæ exigitur juramentum de stando mandatis Ecclesiæ, seu servandi, quod ea occasione injunctum fuerit ab Ecclesia, seu a Superiori absolvente. Præterea ab eo, qui non potest statim satisfacere parti laſæ, exigendum est ( si debitum sit pecuniarium ) primo loco pignus; secundo, si pignus haberit non possit, fidejussio, ac demum, si nec fidejussio haberit possit, juramentum de satisfaciendo; & habita hac cautione vel pignoratitia, vel fidejussoria, vel juratoria, potest absolvvi. Verum Dian. part. 2. tract. 16. resol. 44. cum Navar., Valero, Henr., Pel liz., Tamb., aliisque tenet, quod quando absolutio datur tantum in foro conscientiæ, satisfit per firmum propositum de stando mandatis Ecclesiæ, & satisfaciendi parti laſæ, si non possit statim satisfacere; eo quod hæc juramenta, & cautions in jure exigantur pro foro exteriori: Quod ostendit praxis Confessariorum, qui non solent in casibus expressis hæc juramenta, aut cautions exigere. Unde saltem dicendum, quod ea ju-

ra, etiamsi pro foro conscientiæ elegant juramenta, vi consuetudinis tam non amplius obligent.

Advertisendum tertio, absolutionem ab excommunicatione reservata, etiam canonis, *Si quis suadente diabolo, tunc in articulo mortis conferendam esse cum onere se præsentandi cessante periculo, quando pœnitens est excommunicatus denunciatus, ut docet Dian. part. 3. tract. 14. resol. 63. ex Januario, & aliis; tum quia textus ille Capitis Eos qui, loquitur de excommunicatis denunciatis tantum; tum etiam, quia non amplius habet locum hujusmodi onus post Trident. afflens, in articulo mortis nullam esse reservationem; Quare Trident. correxit quoad hoc jus antiquum, dum oneris ab eo impositi non meminit: Quando autem quis absolvitur ab excommunicatione reservata propter impedimentum perpetuum, non debet obligari ad comparendum; cum impedimentum perpetuum cessare non possit; secus vero si absolvitur propter impedimentum temporale.*

### ARTICULUS III.

De Approbatione in Confessario requisita.

- I. Solum ad audiendam Confessionem Secularium requiriuntur aut Approbatio ab Episcopo, aut Parochiale Beneficium in Confessario. Postquamque Parochus jurisdictionem erga suas oves delegare alteri Parochio, ac Sacerdotibus ab Episcopo proprio alibi approbat.
- II. In quo differat Approbatio a Jurisdictione?
- III. Jurisdictione dari debet ab Episcopo, vel Parocho, cuius est subditus penitens; Approbatio vero datur ab Episcopo Confessarii.
- IV. Episcopus potest aliquem ad exten-

men non admittere, non tamen potest illum non approbare, si admisserit, & sit idoneus.  
V. Regulares ab Episcopo approbati, ut valide absolvant, non indigent facultate propriæ Prelati.

I. Trident. sess. 23. cap. 15. hæc habet: Decernit Sancta Synodus, nullum, etiam Regularēm, posse confessiones Secularium etiam Sacerdotum audire, nec ad id idoneum reputari, nisi aut parochiale beneficium habeat, aut ab Episcopis per examen, si illis videbitur esse necessarium, aut alias idoneus judicetur, & approbationem, que gratis detur, obtineat.

Sequitur hinc primo, Approbationem hanc Episcopi requiri ad validitatem Sacramenti; non secus ac requiritur potestas Ordinis, & jurisdictionis.

Sequitur secundo, non requiri hujusmodi approbationem ad audiendas confessiones Regularium, adeoque Regulares posse a quolibet simplici Sacerdote absolvi de licentia suorum Prelatorum, qui jurisdictionem conferant. Nomine autem Regularium veniunt etiam Equites S. Joannis, S. Jacobi, Alcantara, Calatrava, &c. ex Joan. Sancio, & aliis apud Dian. par. 3. tract. 20. resol. 30., & Leand. disp. 11. quæst. 47.; quia omnes isti sunt vere religiosi. Quamvis autem nomine Regularium veniant universim etiam Moniales; At hæc ex decreto Gregor. XV. confiteri debent Confessariis approbatis ab Episcopo.

Ubi notandum, Clem. X. in sua septima Constitutione, qua incipit, *Superna*, tribuere facultatem, ut ii Seculares, qui in Monasteriis, seu Collegiis Regularium degunt, & sunt familiares, ac continuū commensales, absolvi possint a Prælatis corundem Regularium, & a Confessariis eorum-

dem Monasteriorum; quod tamen non conceditur aliis famulis, qui Monasterio inserviant. Et in eadem Constitutione loquendo de Monialibus decerit Pontifex, quod ad audiendas Monialium confessiones requiratur specialis approbatio; Et quod approbatus ad audiendas confessiones unius Monasterii non censeatur eattenuis approbatus ad audiendas confessiones alterius Monasterii. Imo confessarii extraordinarii deputati ab Episcopo ad Confessiones alicujus Monasterii pro una vice audiendas non possunt vi talis approbationis iterum earumdem Monialium Confessiones audire. Ubi notat Platelius n. 875., quod licet Pontifex loquatur de Confessariis Regularibus, id a fortiori dicendum de confessariis secularibus, utpote minus privilegiatis.

Sequitur tertio, Approbatione hac non indigere eum, qui Parochiale, seu Curatum beneficium obtinuit; Unde poterit extra diaecsim a quolibet aliquo Parocho advocari, ut illum adjuvet ad audiendas confessiones; non secus ac Sacerdos approbatus. Nomine autem beneficii parochialis ex Suar. disp. 39. sect. 4. venit non solum Parochus, sed etiam habens Vicariam perpetuam, & Rectoriam parochiarum; & qui habent superiora beneficia, ut Episcopi, Archiepiscopi, Abbates nonnulli habentes beneficia cum jurisdictione ordinaria in foro externo. Non comprehenduntur tamen Prælati regulares, quamvis pariter habeant curam animarum, instar Parochorum, ut communiter docent Doctores cum Suar. de Pœnit. disp. 28. sect. 8. contra Henr. , Joannem Valerum apud Lug. disp. 21. num. 1., & alios cum Bossio apud Dian. part. 2. tract. 16. resol. 44., & part. 5. tract. 12. resol. 51., quia Trident. expresse voluit, Regulares subjacere examini Episcoporum, nul-

la facta distinctione Prælatorum; Ubi autem lex non distinguit, nec nos distinguere debemus. Quamvis Dian. loc. laudat probabilem putet, & Bosfius in praxi tutam sententiam oppositam: Evidem non astipulor: illud est certum, quod si Parochus suum beneficium curatum dimisit, approbatione Episcopi indigeat deinde ad confessiones audiendas, quia non amplius habet, sed habuit beneficium parochiale.

Sequitur quarto ex Suar. disp. 28. sect. 5. Episcopos, & Prælatos seculares non posse eligere sibi in Confessarium, nisi vel Parochum, vel approbatum ab Ordinario; Et ab Alex. VII. damnata est illa propositio dicens: *Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario.*

Sequitur quinto, non posse Parochum delegare jurisdictionem suam relate ad suos Parochianos simplici Sacerdoti, sed probabiliter posse illum delegare vel alteri Parocho, vel Sacerdoti alibi approbato ab Episcopo. Ita communis Doctores apud Lug. num. 6. contra nonnullos; & apud Dian. part. 5. tract. 12. refol. 47. Ratio est, quia hoc decreto Trident. factum fuit ad tollendum Parochorum abusum, qui ineptis oves suas committebant. Advertitque Fagund. de Präcep. Eccl. lib. 3. num. 48. ex Sanch., videri satis esse etiam approbationem factam ab Episcopo cum aliqua limitatione; Verbi gratia, ad viros tantum, dummodo cæteroqui sit idoneus.

Utrum autem Parochus possit Jurisdictionem erga suas oves delegare Regulari alibi approbato ab Episcopo? In exposit. thes. XVI. confixæ ab Alex. VII. dixi, non esse improbabile, quod posse, dummodo Episcopus non supponatur invitus.

II. Sequitur ultimo, Approbationem diversam esse a Jurisdictione, cum possit aliquis habere approbationem sine jurisdictione: Est enim approbatio testimonium, & judicium de sufficientia, & idoneitate Sacerdotis ad audiendas confessiones. Quare per solam approbationem nulla jurisdictione, nec potest confertur.

III. Quaritur nunc primo; A quoniam Episcopo approbari debeat confessarius? ab Episcopo confessariæ, an pœnitentis, an ab utroque, an ab Episcopo loci, ubi fit confessio, an a quoquaque?

Respondeo cum communiori, quod ab Episcopo Confessarii. Ita Suar. disp. 28. sect. 6., Bonac., Fagund., Con., Lug. disp. 27. num. 35.: Esto alii in alia sint opinione, & variae responsiones Sacrae Congregationis super hoc adducant. Ratio est, quia approbatio est actus jurisdictionis, adeoque nequit exerceri, nisi in subditum; ergo Sacerdos approbandus est ab Episcopo, cui est subditus, vel ratione domicilii fixi, vel transiuntis, vel ratione originis, vel ratione beneficii, ut docent Hurt, & Fagund.

Hinc sequitur primo, quod jurisdictione dari debeat ab Episcopo, vel Parocho, cui est subditus pœnitens: Contra vero approbatio dari debet ab Episcopo, cui est subditus confessarius. Regulares vero, qui jurisdictionem habent a Pontifice, & indigenit approbatione Episcopi tamquam requisito essentiali, approbari debent ab eo Episcopo, in cuius diœcesi versantur, juxta decretum Urbani VIII. relatum a Lug. num. 28.

Sequitur secundo, ab eodem Episcopo, cui est subditus pœnitens, posse dari approbationem Confessario non subdito, dummodo sit in diœcesi talis Episcopi; Verbi gratia, potest Episcopus Neapolitanus dare

ap.

approbationem Sacerdoti Nolano relate ad confessiones audiendas Neapoli ; quia Sacerdos Nolanus, dum est Neapoli , censetur subditus Episcopi Neapolitani : Non secus ac pœnitens Nolanus, dum versatur Neapoli, potest confiteri confessariis Neapolitanis, quia censetur subditus Episcopi Neapolitani .

IV. Quæritur secundo ; An possit Episcopus Sacerdotem , quem judicat idoneum, non approbare ?

Respondeo cum Con. , & aliis communiter negative ; esto possit illum ad examen non admittere , saltem si sit secularis . Ratio est, quia approbatio non est gratia, sed actus iustitiae post felicem successum examinis ; Quare, si Episcopus illum non approbat, peccat graviter, cum sit in re gravi actus iustitiae . Potest tamen Sacerdoti approbato jurisdictionem denegare ; siquidem delegatio jurisdictionis est gratia : Quia tamen, ut diximus, Jurisdictione Regularibus conferatur immediate a Pontifice, ut constat ex eorum Privilegiis ; ideo Regularis statim ac est ab Episcopo approbatus, habet jurisdictionem in diœcesi talis Episcopi, ita ut solum intra diœcesim illam possit confessiones audire, ex Bulla Clem. X. . Quod si Episcopus iniuste alicui approbationem denegaret, aut illam iniuste limitaret, non catenus hic posset valide confessiones audire ; ut advertimus articulo primo, numero undecimo ; & constat ex iis quæ diximus exponendo thesim XII. ab Alex. VII. confixam, quæ habet : *Satisfacit præcepto annua confessionis, qui conficietur Regalari Episcopo presentato, & ab eo iniuste reprobato.*

V. Quæritur tertio ; An Regulares indigeant approbatione, & licentia proprii Prælati , ut possint Secularium Confessiones audire .

Respondeo , ea non indigere ad

valide conferendum hoc Sacramentum, ut communiter docent Doctores apud Dian. part. I. tract. II. resol. 15, contra alios relatos a Leand. quæst. 75.

#### ARTICULUS IV.

De Prudentia, Probitate, & Scientia in Confessario requisita.

- I. Minister hujus Sacramenti debet in statu gratia illud administrare, nisi urgens necessitas id non permittat.
- II. Prudentia pariter in eo requiritur propria Judicis, ac Medicis Spiritualis ; Ac scientia confessanea.
- III. Quanam præcipue scienda sunt a Confessario ad licite absolvendum?
- IV. Quid, si dubitet, an praeditus sit scientia debita ?
- V. Qui advertit, Confessarium esse insufficientem ad ferendum judicium Sacramentale super peccatis expostis, debet confessionem apud doctorem repetere .
- VI. Debet Confessarius saltem scire dubitare, ita ut possit in rebus difficultioribus Anteores, vel doctos consulere .

I. **A**D licite administrandum hoc Sacramentum, in Ministro requiri Prudentiam, Prudentiam, & Scientiam, indubitatum est. Circa Probitatem fatis est, ut sit in statu gratiae, quando illud administrat ; Unde conscius peccati mortalis, nec non dubius de illo debet vel contritionem, vel attritionem cum confessione præmittere, antequam absolvat ; Niſi tamen urgeat necessitas absolvendi moribundum, quæ non det locum contritioni .

II. Circa Prudentiam, requiritur, ut possit boni Judicis, & Medicis Spiritualis munere fungi ; cum utrumque